

Reglur um hvatapeninga árið 2025

Samkvæmt samþykkt bæjarráðs Garðabæjar fá öll börn á aldrinum 5-18 ára (fædd 2007-2020) kr. 60.000 í hvatapeninga á árinu 2025. Hvatapeningana er hægt að nýta til að greiða niður gjöld í skipulögðu íþrótta-, tómsunda- og æskulýðsstarfi sem stundað er reglulega. Hægt er að sækja um „viðbótar hvatapeninga“ krónur 15.000,- í þjónustugátt Garðabæjar ef heildartekjur heimilis eru að meðaltali undir 856.000,- kr. á mánuði hjá einstaklingi, eða 1.049.000,- kr. hjá sambýlisfólki (m.v. launavísitölu 1. janúar 2025). Miðað er við meðaltekjur samkvæmt staðgreiðsluskrá fyrir síðustu þrjá mánuði þegar umsókn er send inn.

Hvatapeninga ársins 2025 er hægt að nýta vegna reikninga sem gefnir eru út á árinu 2024 og 2025. Réttur til hvatapeninga fyrir árið 2025 fellur niður í árslok. Ónýttir hvatapeningar geymast ekki milli ára. Hvatapeninga líðandi árs er ekki hægt að nýta til að greiða reikninga námskeiðs sem byrjar á næsta ári á eftir.

Ekki er hægt að endurgreiða eða bakfæra styrk frá félögum þegar foreldri/forráðamaður hefur ráðstafað styrknum til félags.

Ef félög eru ekki tengd við skráningarkerfin Sportabler (Abler) eða XPS þarf að koma reikningi til þjónustuværs Garðabæjar með upplýsingum um upphæð hvatapeninga sem á að nýta sem og upplýsingum um hvert á að endurgreiða. Ekki er hægt að koma með reikninga til endurgreiðslu hvatapeninga vegna félaga sem tengd eru Sportabler eða XPS.

Nýta þarf hvatapeninga ársins 2025 fyrir áramót. Kvittunum á að skila fyrir lokun þjónustuværs Garðabæjar þann 18. desember.

Reglur um notkun hvatapeninga:

- Skilyrði** þess að hægt sé að nýta hvatapeningana er að um **skipulagt starf** sé að ræða sem er stundað **undir leiðsögn** þjálfara eða leiðbeinanda og nær **yfir eina önn** eða **á lágmarki 10 vikur**. Undantekning eru 5 og 6 ára börn þar sem lágmarkstímalengd námskeiða er 20 kennslustundir óháð vikufjölda. Þetta á t.d. við um allt íþróttastarf sem stundað er á vegum viðurkenndra íþróttafélaga, sumarnámskeið, dans í dansskólum og skátastarf.
- Hvatapeningana er ekki hægt að nýta til að kaupa árskort í líkamsræktarstöðvum en skipulögð unglínganámskeið og dansnámskeið innan líkamsræktarstöðva falla undir styrkinn. Undantekning frá þessu eru ungmenni í þremur elstu árgöngunum, þ.e. 16, 17 og 18 ára (fædd 2007, 2008 og 2009), þau geta nýtt hvatapeningana til að kaupa kort í líkamsræktarstöðvum.

Samþykkt á fundi bæjarráðs Garðabæjar

desember 2024

Lúðvík Örn Steinarsson,
bæjarritari.